

GJALDSKRÁ

fyrir söfnun, förgun, móttöku og flokkun sorps í Borgarbyggð.

1.gr

Sveitarstjórn Borgarbyggðar er heimilt að leggja á sérstakt sorpgjald vegna söfnunar, förgunar, móttöku og flokkunar á sorpi í sveitarfélaginu samkvæmt 7. grein samþykktar um meðhöndlun úrgangs í Borgarbyggð nr. 295/2007 og 11.gr. laga um meðhöndlun úrgangs nr. 55/2003.

2.gr

Sveitarstjórn Borgarbyggðar hefur ákveðið að sorpgjald á hvert heimili verði kr. 47.200 og sorpgjald á hvert frístundahús verði kr. 20.800.

Íbúar geta óskað eftir að fá fleiri sorpílát að heimilum sínum og greiða þá fyrir sorpílát fyrir almennan úrgang 27.060 kr. og fyrir sorpílát fyrir endurvinnsluúrgang 16.390 kr.

Ofangreind gjöld skulu innheimt samhliða fasteignagjöldum.

Heimilt er að veita 50% afslátt af sorpgjaldi vegna heimila í sveitarfélaginu, ef húsnæðið er nýtt til tímabundinnar dvalar, án fastrar búsetu.

3.gr

Gjaldskrá vegna móttöku- og flokkunarstöðvar í Borgarnesi (gámastöðvar) skal vera með eftirfarandi hætti, virðisaukaskattur innifalinn. Gjaldskrá vegna þessa liðar skal taka breytingum í takt við byggingarvísitölu um hver áramót. Neðangreind verð miða við grunnvísitölu í desember 2018:

Brotmálmar:	kr. 2.970 per m ³ .
Brotmálmar:	kr. 11,30 per kg.
Farartæki (losun á olú, eldsneyti og kælivökva):	kr.12.430 per stk.
Timbur (ómengað og hæft í kurlun):	kr. 1.530 per m ³ .
Timbur (blandað, mengað eða óhæft í kurlun):	kr. 2.967 per m ³ .
Gler og postulín:	kr. 1.532 per m ³ .
Garðaúrgangur:	kr. 1.532 per m ³ .
Jarðvegur, grjót og múrbrot:	kr. 1.532 per m ³ .
Pappír (Ekki bylgjupappi):	kr. 3.797 per m ³ .
Ópressanlegur úrgangur s.s. húsgögn:	kr. 2.046 per m ³ .
Blandaður pressanlegur úrgangur:	kr. 4.098 per m ³ .

Í ofangreindri gjaldskrá er reiknað með að komið sé með flokkað sorp á gámastöðina. Ef ekki er forflokkað leggst 20% álag ofan á ofangreint verð.

Atvinnurekandi skal ávallt kvitta undir hjá starfsmanni gámastöðvarinnar vegna móttöku hans á úrganginum á þar til gert eyðublað í þríriti. Borgarbyggð sendir síðan innheimtuseðil á viðkomandi atvinnurekanda.

Íbúar sveitarfélagsins geta komið með allt að 8 rúmmetrum af úrgangi frá heimilum á ári, á Gámastöðina í Borgarnesi, án þess að þurfa að greiða fyrir.

Sveitarstjórn Borgarbyggðar getur ákveðið að gefa út klippikort með eða án afsláttar vegna gjaldheimtu á ofangreindri þjónustu.

Tekið er á móti s.s. spilliefnum, rafeindabúnaði/raftækjum, bylgjupappa, hjólbörðum, rúlluplasti, sparperum, flúrperum og fatnaði án endurgjalds.

4.gr

Gjaldskrá vegna úrgangs sem verktakar hafa gert samning við Borgarbyggð um að farga megi á urðunarstaðnum við Bjarnhóla skal vera með eftirfarandi hætti, virðisaukaskattur innifalinn. Gjaldskrá vegna þessa liðar skal taka breytingum í takt við byggingarvísitölu um hver áramót. Neðangreind verð miða við grunnvísitölu í desember 2018:

Timbur (ómengað og hæft í kurlun):	kr. 1.100 per m ³ .
Garðaúrgangur:	kr. 1.320 per m ³ .
Jarðvegur:	kr. 1.320 per m ³ .
Grjót og múrbrot:	kr. 2.200 per m ³ .
Hrossatað:	kr. 880 per m ³ .

Ekki verður heimilt að meðhöndla annan úrgang en að ofan greinir á þessum urðunarstað. Urðunarstaðurinn er afgirtur, læstur og undir eftirliti.

5.gr

Gjaldskrá þessi sem er samþykkt af sveitarstjórn Borgarbyggðar staðfestist hér með samkvæmt ákvæðum 59. gr. laga nr. 7/1998 um hollustuhætti og mengunarvarnir til þess að öðlast þegar gildi.

Með gjaldskrá þessari fellur úr gildi eldri gjaldskrá nr. 1296/2017

Borgarnesi 27. desember 2018.

Gunnlaugur A. Júlíusson
sveitarstjóri